

मारवाडी

भासा मे पढण अर लिखण
री कहाणियो री पेली किताब



मारवाड़ी भासा मे पढण अर लिखण री कहाणियो री पेली किताब
(Reading and Writing in Marwari: Story Book-1)

छापणाळो बर: जून 2018
छापी जकी किताबो री गिणती: 200

© निर्माण सोसायटी

त्यार करणाळा

गंगाराम, रमेश, राजेश चारण, मनोज कुमार अर हरि-किशन

मदत करणाळा

कमलेश रोलन, मुकेश कुमार योगी, शैला डिसौजा, फेबा जोस
अर मारवाड़ी समुदाय

टाइपसेटिंग

रतन लाल योगी

प्रकाशन

निर्माण सोसायटी

तीसरी मंजिल, फ्लेट नं.3, गुलाब कॉम्पलेक्स,
तहसील रोड़, औसियाँ, जोधपुर, राजस्थान-342303

Email- rajasthanlanguages@nirmaan.org.in

Web- www.nirmaan.org.in

Ph.02922-274017

सब अधिकार सुरक्षित हैं

प्रकाशन की अग्रिम लिखित अनुमति के बिना, इस प्रकाशन का कोई भी भाग-आण्डिक, यांत्रिकी, रिकॉर्डिंग व अन्य किसी भी रूप में या अन्य माध्यम से पुनः उत्पादित नहीं किया जा सकता और न ही पुनःप्राप्ति पद्धति में इसका भंडारण किया जा सकता है, या प्रसारित किया जा सकता है।

जोण-पेचाण

आ किताब इण वास्ते छापी हो के इणू पेला थे जकी किताब (मारवाड़ी भासा ने पढण अर लिखण री) पढोला उण रे माई जका सबद थे सिखोला बेई सबद थोने इण किताब में दियोड़की कहाणियो में मिळेला। उण ई सबदो ने ले परा अन आ किताब बणायोड़ी है। इण किताब में आपने बेई सबद मिळेला जका सबद थे मारवाड़ी भासा ने पढण अर लिखण री किताब में सिखिया हा।

आ किताब छापण रो मेन मकसद ओ है के थाने बे सबद इयाद करावणा है। आपने बे सबद इण कहाणियो रे माऊ पैचाणना है। अन आपने बे सबद किकर लिखी जे है अन किकर पढीजे है ओ बतावणो है। बे सबद आपने इण किताब रे माई दियोड़की कहाणियो रे जरिये बतावणो है जिकेरु थे ब्रेगो पढणो सिख जावोला। आपने इण किताब री मदत ऊ पढियोड़का सबदो ने देख अन पैचाण करणी है। इण किताब में जिकी कहाणियो दियोड़ी है बे कहाणीयो मारवाड़ी भासा ने पढण अर लिखण री किताब रे सबदो रे आधार माते बणायोड़ी है।

आप ए कहाणियो पढ अन बे सबद जादा ब्रेगा सीख जावोला के बे सबद कटे अर किकर लिखी जे है।

पाठ-1

नेम री कमाई

कमर

अरक

रकम



एक मिनक हो जके रे खने खावण पीवण रो सम्मोन लावण रे वास्ते रकम गेणो की नी हो। उण मिनक री कमर ई घणी दुखती ही तोई बो मिनक भुखो तिरो अन कमर री दूख ने छोड अन रोजिना ई सुबे री टेम में सुरज भगोन ने अरक देवतो हो। अरक देवतो देवतो एक दिन मिनक रे अरक ऊ सुरज भगोन परसन होया अन उण मिनक ने घणी सारी रकम दी अन उन्नी कमर ई सावळ कर दी। बो मिनक उण रकम ऊ आपरे वास्ते घर खरिदीयो अन धंधो सरू करियो जके ऊ उण खन्ने अनाप री रकम हुगी अन बो रकम रे घमंड रे माई सुरज भगोन ने अरक देवणो छोड दियो। जणो सुरज भगोन रूठ गया। अन उण मिनक री कमर पाछी दुखणी सरू हूई। मिनक री कमर दुकती-दुकती सळी दुखी अन उन्नी कमर री दूक रे कारण उन्नो उठणो बेटणो ई दोरो हुगो। अन बो आपरी कमर ने सावळ करण वास्ते आपरी पुरी रकम खर्च कर दी। अन बो पाछो गरीब हुगो। पछे बो पाछा सुरज भगोन ने इयाद करिया अन रोजिना अरक देवण लागो अन आपरी भुल री मापी मोंगी।

पाठ-2 लाक ऊ लकपित

काकरा

लाक

आल



एकर एक लुगाई काकरा भागण रो काम करती। काकरा भोंगती ने एकदिन काकरा रे माई एक लाक लादी। लाक लादी जणो बा उण लाक ने आपरे हाथ माई पेर ली। लाक पेर अन बा आपरे घरे गी। बा लाक आपरे धणी ने बताई। केयो के आ लाक मने काकरा में लादी। दिनबध्ये बा आपरे घरे आल रो स्राग रोंदियो। आल रे स्राग रो दोयो ने सोक घणो हो। दोई आल रे स्राग में रोटी खावण लागा अन के आल रे स्राग माई काकरा आ गया। उन्ने धणी रो दोत भागग्यो। धणी ने री आयगी अन बो री रे माई आपरी लुगाई ने ठोकी अन के ठोकती टेम लुगाई रे हाथ मोली लाक भागगी। लाक भागी के उण रे माउ दो हिरा लिकळया। अन बे धणी लुगाई उओ हिरो ने बेचिया जणो उओने हिरो री सकरी रकम मिळी अन बे दोई लकपति हू गया अन आपरी जिन्दगी सोरी गुजारण लागा।

पाठ-3 नोकरी रो इलम

किमा

मिनक

इलम




एक मिनक हो जको दिनबध्ये री टेम रा चिमनी रे माई किमे ऊ घासलेट घालतो हो। किमा रे माऊ तेल चिमनी में नी जावतो हो कियो के किमा रे माई दुजो आयोड़ो हो। बो मिनक किमा रे माऊ दुजो काड अन पछे किमा ऊ चिमनी में तेल घाल्यो। जेडे अन के एक मिनक इलम लेन आयो। अन उण मिनक ने बो इलम दियो बो मिनक इलम पढियो। इलम पढ अन राजी होयो। इलम लावणिये मिनक ने बदाई दिनी। इलम रे माई लिखियोड़ी बात दुजोड़े मिनक ने बताई। उण इलम रे माई पेलोड़े मिनक री नोकरी री बात लिखियोड़ी ही। दोइ मिनक राजी होया अन राजी हुन रोटी दुजी जिमी अन दुजोड़े दिन मिनक इलम लेन नोकरी माथे गियो अन उन्नी नोकरी लागगी।

पाठ-4 जिन्दगी बचगी

माकी

ई

नील



एकर एक मिनक आपरे घरे सफेदी करण वास्ते नील लेन आयो हो जको बो बा नील सफेदी में नोखी जणौ सफेदी में चमक घणी आई बो मिनक सोचियो के थोड़ी नील भळे नोख अन सफेदी रो रंग लीलो कर दो जणो बो थोड़ी भळे नील नोखी अन एक जेड़े अटिनु एक माकी आ परी अन बा माकी उण सफेदी आळी बाल्टी में पड़गी माकी सफेदी ऊ भींज गी अन माकी ऊ बाल्टी रे बारे नी निकळिज्यो हो। अन बो मिनक सफेदी करण रे वास्ते मोचे री ई माथे चढियो अन के मोचे री ई भागगी ई भागतो ई मिनक हेटो पड़ियो अन के बा सफेदी हुळगी अन बा माकी बारे निकळगी अन ऊडगी।

पाठ-5 अक्ल री कमाई

कुरा

तुरा

उमी




एक मिनक आपरे खेत रे माई कुरा बाजरी ब्राई जको बा कुरा बाजरी अनाप री हुई अन बो मिनक ऊण कुरा बाजरी ने बेच अन आपरो घर चलावतो हो। उन उण मिनक री कुरा बाजरी घणी घणी भो रे माई बिकण रे वास्ते जावती ही। एक दिन बो मिनक सोचियो के इण कुरा बाजरी रा बीज करो अन बो उण कुरा बाजरी ने पकाई। अन पकाई जको उण कुरा बाजरी रे माथे उमी कम ही। उमी कम ही जको चिड़ियो कुरा बाजरी खावती घणी ही जणौ बो मिनक उण कुरा बाजरी रे उमी आवण रे वास्ते कुरा बाजरी रे माथे तुरा लगाया। तुरा लगाया जको बे तुरा चमकता घणा हाँ। तुरा री चमक ऊ चिड़ियो बाजरी रे नेड़ी नी आवती अन उण मिनक रे तुरा लगावणे ऊ बाजरी बचगी। अन पछे उण रे कुरा बाजरी अनाप री हुई अन बो मिनक उण कुरा बाजरी ने बेचतो अन लखपति हू गो।

पाठ-6 बळदो ऊ परेम

कुतर

गुगरा

ऊन



एक मिनक ने बळदो ऊ परेम घणो हो। बो मिनक एक दिन मेळे गियो जको आपरे बळदो रे पगो में बोंधण वास्ते गुगरा लायो। अन गुगरा बोंधण रे वास्ते ऊन लेन आयो। ऊन रे डोरे रे माई गुगरा गुथ अन गुगरा बळदो रे पगो में बांधिया। पछे बळद बेवता जणो बे गुगरा छम-छम बाजता हाँ। अन बो मिनक बळदो ने खावण वास्ते कुतर नोकतो हो अन कुतर खा'न बळद घणाई ई सोरा रेवता हाँ। अन बो रोजिना खेत जावतो अन बळदो रे कुतर कर अन लावतो अन बा कुतर आपरे बळदो ने खड़ावतो हो। अन ऊन में गुथिओड़ा गुगरा जोरदार बाजता हाँ।


पाठ-7

खेत अन जिनोवर

एक

नकेल

बेबल




एकर एक मिनक खेत बायो जको उन्ने खेत रे माई बेबल अन ऊंट घणा आवता हाँ। बेबल इती आवती के उन्नो सुवणो बेवणौ ई मुसकिल हुगो। बेबल ऊ बो मिनक घणो दुखी हुगो हो जणो बो बेबल ने कम करण रे वास्ते आपरे घर में चोनणो नी करतो हो जणो बेबल नी आवती ही। इयो करतो करतो बो मिनक बेबल ऊ लारो छोड़ा दियो । पछे एक ऊंट आवतो हो। जको बो एक ऊंट खेत में रोजिना बिगाड़ कर देवतो हो जणो बो एक दिन ऊंट ने पकड़ अन एक नाक रे माई नकेल घाल दिनी। तोई बो एक ऊंट तो रोजिना बिगाड़ करतो जणो बो एक भारी नकेळ बणा अन बा नकेल ऊंट रे नाक में घाल दी अन उण नकेल रे भार ऊ ऊंट रो नाक दुखतो हो जणो बो पछे बो ऊंट ऊटु गियो परो अन पछे ऊण मिनक रे खेत में बिगाड़ नी होवतो हो।

पाठ-8 कैरी में जैर

कैरी

जैर

ऐरू



एक गाँव रे माई एक ओम्बे रे दरखत माथे एक ऐरू रेवतो। ओम्बो री रूत रे माई उण दरखत माथे कैरी अनाप रीज लागी। जणो मिनक कैरी लावण रे वास्ते जियो ई उण दरखत माथे जावता। अन बो ऐरू उओने ने डस लेवतो हो। ऐरू में जैर घणो हो जको मिनक उण जैर ऊ मर जावता हाँ। जणौ एक दिन मिनक घणा सारा भैळा हुन उण कैरी रे दरखत रे नीचे गिया अन जान लकड़ियो ऊ ठोक अन उण जैर आळे ऐरू ने मार दियो अन पछे मिनक राजी खुसी ऊ उण दरखत माथु कैरी तोड़ अन ले जावता हाँ।

पाठ-9 पेट मे गड़बड़

कोप

पोलो

ओजरी



एकर एक कंजुस मिनक कोप रे माई चा पीवतो अन के कोप रे माई पोलो पड़ग्यो। पोलो सई ऊ भरियोड़ो हो जके ऊ कोप रे मोली चा ना हूगी। तोई कंजुस मिनक कोप मोली चा पिली। कोप रे मोली चा पीवतो ई मिनक री ओजरी खराब हुगी। ओजरी खराब हुई जको। मिनक रोटी दुजी की खावतो अन ओजरी रे माई गड़बड़ करती ही। इणु बो मिनक दुखी हुगो अन डाक साब रे खन्ने गियो अन पुरी बात बताई के पोलो सही रो हो अन चा में पड़ग्यो। जणो डाकसाब दवाई दिनी अन दवाई ऊ उण मिनक री ओजरी सावळ हुगी। पछे बो मिनक कदेई चा पीवतो जणौ नी तो खन्ने पेन राखतो अन नी पोलो अन कोप में देख अन चा पीवतो हो।

पाठ-10

मकौन री दावत

मकौन

मावौ

औरी



एक अमीर मिनक आपरे रेवण वास्ते एक बढिया मकौन बणायो। मकौन बणायो जणो मकौन रे उदघाटन रे वास्ते पुरे गाँव ने नैतो दीनो। अन पुरे गाँव आळो ने आपरे मकौन में बुलाया। अन मिठाई में मावौ बणायो। अन मावौ ईतो स़करो बणायो के गाँव आळा मावौ अनाप रो खायो। मिनक मावौ स़लो खायो जणो मिनको रे मावे री गरमी ऊ औरी निकळ गी औरी निकळी जणौ गाँव आळा डाक साब खन्ने गया जणो डाक साब केयो के मावौ सळो खायो जणौ इणु औरी निकळ गी। अन औरी रे इलाज वास्ते डाकसाब मिनको ने दवाई दिनी अन दवाई ऊ मिनको री औरी ठिक हुगी। जा पछे कदेई मिनक कोई दावत रे माई आज ताई मावौ नी बणायो।

पाठ-11

बाळ बावनो कंगो

कंगो

सन्तरो

अंगूर




एकर एक मिनक पेली बार सैर गियो अन बो सैर मैं जान एक दुकौन माथु कंगो लियो अन बो उण कंगे ऊ आपरा बाळ बाया अन पछे बो कंगो ले परो अन दुजी दुकौन माथे गियो अन ऊठु आपरे घरे टाबरो रे वास्ते अंगूर अन सन्तरा लिया। बे अंगूर सन्तरा अन कंगो ले परो अन आपरे घरे गियो। घरे जा परो अन टाबरो ने बे अंगूर अन सन्तरा दिया। आपरी लुगाई ने बो कंगो बतायो। पछे रोजिना बो मिनक अन टाबर उण कंगे ऊ आपरा बाळ बावता हाँ।

पाठ-12 दरगा मे चोरी

दरगा

टँकोरा

टका



एक मिन्दर अन दरगा खन्ने-खन्ने हाँ। अन मिन्दर रे माई टँकोरो लागोड़ो मिनक भगोन रा दरसण करता हाँ। पाकती दरगा में मिनक आवता अन उठे नमाज पढ अन टका चडावता हाँ। एक दिन एक चोर आयो जको बो चोर दरगा में बड़ग्यो अन दरगा में चढायोडका टका चोरी कर अन ले गियो। दुजोड़े दिन मिनक दरगा आगे भैळा होया अन दरगा मु टका लेगो जके रो पतो लगावण रे वास्ते एक योजना बणाई। एक बात फेला दीनी के जको मिनक दरगा में चोरी करी उन्नो नोम काले मिन्दर में लागोड़को टँकोरो बता देई। इयो सुणतो ई चोर डर गियो। जणो बो चोर सोचियो के टँकोरे ने ले जा'न कठेई आगो नोख दो जको पछे किकर बताई है। बो चोर रात में टँकोरो ले जावण ने आयो के मिनक उन्ने पकड़ लियो।

